

Dat ün stempel a la digitalisaziun

L'plan d'instrucziun 21 es previs eir il rom «Medias ed informatica». In Engiadina e la Val Müstair han las scoulas collavurà cun miaEngiadina.

Diversas scoulas in Engiadina e Val Müstair han introdüt il concept da digitalisaziun «miaScoula», elavurà da miaEngiadina. Las ünas han surtut tuot il concept ed otras lavuran cun üna part da quel. L'instrucziun sün lunga distanza funcziuna bain illas scoulas da Samedan, Scuol e da Valsot, trais scoulas chi han realisà cumplettamaing il concept da «miaScoula».

Collavuraziun cun miaEngiadina

Cul plan d'instrucziun 21 es gnü reorganisà cumplettamaing il rom «Medias ed informatica». Per las scoulas significhia quai tanter oter d'avair in mincha località da la scoula üna colliaziun d'internet e da metter a disposiziun ils apparats a las personas d'instrucziun ed als scolars. In Engiadina e la Val Müstair han collavurà las scoulas cun miaEngiadina e'l concept da «miaScoula». «Cun quista collavuraziun vaina survgnì illas scoulas üna rait moderna da fibroptica e las applicaziuns dad Office 365 per mincha scolar e per mincha persona d'instrucziun», manzuna Mario Rauch, il manader da la scoula da Scuol. Ün ulteriur intent da miaEngiadina es da s-chaffir ün center da competenza da medias ed informatica ingio chi's vess la pussibilità da far adöver dad apparats sco per exaimpel roboters per programmar. «Fin uossa vaina fat bunas experienzas ed eschan sün buna via da pudair realisar tuot il concept a la data previsa dal mais avuost 2021»,



Las scoulas han survgnì üna rait moderna da fibroptica e las applicaziuns dad Office 365 per mincha scolar e per mincha persona d'instrucziun.

fotografia: Scoula Samedan

uschè Rauch. Grazcha a la plattafurma da «miaScoula» funcziuna a Scuol l'instrucziun a lunga distanza bain. «Id es difficil da chattar puncts positivs dal coronavirus, ma a la digitalisaziun ha quel sgüra dat ün bun stempel. E nus sco scoula vain profità bler da la pussibilità da'ns scolar inavant illas prümas duos eivnas davo chi sun gnüdas ser-

radas las scoulas», es l'avis da Mario Rauch.

Instrucziun per videochat

A Scuol vegna instrui a partir da la 5avla classa per videochat. Quist müdamaint significhia per la magistraglia dad esser flexibel ed innovativ. Eir illa scoula da Valsot a Ramosch as lavura cul concept

da «miaScoula». «Cun quist concept vaina üna plattafurma cumünai vla e cun tuot las licenzas bsögnai vlas», declera Annalea Stuppan, la manadra da la scoula da Valsot. Ella es cuntainta dad avair fat per temp il pass illa digitalisaziun. «Ushè nu d'eira, cur cha las scoulas sun gnüdas serradas, tuot nouv.» L'instrucziun a lunga distanza

funcziuna bain a Valsot. «I pretenda da nus magisters üna tsherta flexibilità e calma», disch'la. Els han eir survgnì temp avuonda per far tuot las installaziuns e per metter ad ir l'infrastructura. «Tant il Chantun sco eir l'inspectorat stan adüna a disposiziun in cas cha nus vain dumondas.» Na be il möd d'instrucziun s'ha müdà, dimpersè eir la preparaziun. «Pel mumaint investina qua daplü temp. Id es da far impissamaints che chi'd es pussibel d'instruir per videochat e che material cha'ls scolars dovravan, che chid es important e che es pussibel da far a chasa.» La stanza da scoula vöda tira adimaint ad Annalea Stuppan adüna darcheu perche ch'ella ha imprais il manster da magistra. «Ils contacts socials e directs tanter la magistraglia e'ls scolars mancan ferm.»

Mincha di conferenza culs uffants

Eir illa scoula da Samedan s'haja fat bunas experienzas cun l'infrastructura nouva, chi garantischa la protecziun da datas tenor las prescripziuns svizas. «Pustüt las ultimas eivnas vaina pudü profiter da quista plattafurma chi funcziuna bain tant pels uffants sco eir pels magisters», disch Flurin Parolini, ün dals trais responsabels da l'IT e magister da la 5avla classa. El ha mincha bunura üna conferenza cun seis scolars per videochat. «Id es important d'avair eir inavant il contact cun els», manzuna'l. Tenor el esa important da stügiar bain co chi's fa l'instrucziun, quai eir per evitar cha'ls uffants nun hajan massa bleras dumondas. «Ils scolars pon eir far dumondas per videochat, ma quai nun es uschè simpel per els sco in stanza da scoula.» Parolini prouva da mantgnair inavant las lavurs in gruppas. «Las gruppas sun simplamaing plü pitschnas ed els ston lavurar per videochat.» (fmr/afi)

Büros vegnan plü efficiants cun no.

Lur squadra grischuna da COFOX

Competents, persunals e dastrusch:
Tel. 081 850 23 00

cofox.ch
St.Gallen | Zizers | Scuol | Schaffhausen

COFOX Office
Tecnica da büro per vuolps lurtras

Festa da musica districtuala dal 2021

Zernez Causa la pandemia dal coronavirus ha decis l'Uniu da musica district 1 da spostar la festa da musica districtuala sül 2021. Quella vess vairamaing gnü lö insemel culla festa da musica chantunala per juvenils als 20 e 21 da gün 2020 a Zernez. Uossa han decis ils responsabels dal district da musica 1, insemel culs organisatuors a Zernez, d'organisar la festa da musica districtuala als 19 e 20 gün 2021. Causa cha dal 2021 varà lö eir la festa da musica federala, sclerischan ils responsabels, schi sarà insomma pussibel da manar tras eir la festa da musica chantunala per juvenils a Zernez. (nba)

Diari Romedi Arqint

Ün solit «bun di»

31 marz Mia paschiun es il passlung, daspö cha'ls duos chaluns sun operats am concentresch eu sül passlung tradiziunal. Eu am n'ha adüsà cha dasper mai ils skatinghists am surpassan ed i para adüna darcheu ch'eu vez ün rierin da que süffisant cur ch'els guardan nan sün quist vegliet. La daman bod cur ch'eu sun sülla pista am n'haja adüsà da salüdar quels pacis chi sun eir fingià qua. In parantesa, eu perferisch il fraid e la daman es il privel da süar main grand. Tschels filan da maniera eleganta dasper mai via e fan sco sch'eu füss aier. Ma

daspö ils 26 marz as ha müdà tuot. Pacis sun sülla pista, eu salüd a minchün cul solit «bun di», e, che surpraisa, il skatinghist, eir el am salüda. I filan amo adüna sur la pista sco schi gess pel premi olimpic, ma i guardan nan vers mai e qua o la, am salüda ün da quels «schmaladits talians» o ün Unterländerun, plü suvent ün indigen cun ün bun di. Ed i capita, cha ün as ferma – üna o l'otra, que chi'm plascha amo plü bain, ed i vain ad üna cuorta conversaziun süll'obligata distanza dad almain duos meters. Grazcha Soncha Corona! (rar)

Rudolf Krenger AG
Berufs- und Freizeitbekleidung seit 1968
www.krengershop.ch | Tel. 032 633 22 24

Nus tischerchans

3 collavuratuors per il sevezan extern (m/f) Grischun / Engiadina

Nus spordschans:

- Peja fixa e spaisas
- Provisiun tenor schmerztsch
- Protecziun territoriela
- Veicul d'affer

El piglia cun se:

- Möd da lavurer fich autonom
- Penser oriento a la cliantella
- Talent per la vendita

Es El ün umaun dals fats chi tischercha üna nouva sfida per ün job na ordinari?

Nus ans allegrains da Sia documentaziun da candidatura.

Rudolf Krenger AG
Bahnhofstrasse 3
4704 Niederbipp
032 633 22 24
rico.soltermann@krengershop.ch

CUMÜN DA SCUOL

L'administraziun cumünala tschercha pels 1. avuost 2021

ün giarsun / üna giarsuna per ün giarsunadi da commerzi da 3 ons (profil E).

No spordschain

- üna piazza da giarsunadi variada illa bransch administraziun publica
- invista ed introducziun in divers secturs cumünals
- ün accumpognamaint individual e persunal

No spettain

- bunas prestaziuns da scoula
- cugnuschentschas dal computer
- dun ed interess per cifras e linguas

Est tü plünavant üna persuna fidaivla, averta ed interessada vi da bleras robas? Lavurast jent in üna squadra, ed il contact cun umans da tuottas sorts at fa plaschair? Lura fessna jent tia cugnuschentscha.

Infoormaziuns

Ursina Füm (telefon 081 861 27 04) dà gugent infoormaziuns in connex cun quista piazza da giarsunadi.

L'annunzcha culla solita documainta es d'inoltrar fin il plü tard als 31 mai 2020. Adressa: Administraziun cumünala, per mans dad Ursina Füm, Bagnera 170, 7550 Scuol, opür per e-mail u.fuem@scuol.net.



Apaina cha'l glatsch es alguà ...

Il lai da Tarasp es ün'oasa per bes-chas aint e sün l'aua. Al principi d'avrigl cumainza il glatsch ad alguar ed apaina chi's muossa ün pa surfatscha d'aua libra schi sun eir fingià qua ils utschels chi vivan in quella. Els restan lura tuotta stà e d'utuo cur cha'l lai vain inglatschantà sun quels darcheu d'vent. Sülla fotografia as vezza cha'ls utschels da l'aua s'allegran cha'l glatsch alguar. (fmr/bcs)

fotografia: Benedict Stecher